

~~18~~  
133

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

SEP 15 1933

T 9297.1100 B



玉海卷第一百七十

浚儀王應麟伯厚甫

宮室

門闕下

唐虔化門

高祖紀十一月丙辰克京城甲子入京師封唐王以

武德殿為丞相府視事于虔化門太極殿左

唐元武門

會要武德二年正月一云五年正月辛丑賜羣臣大射於元武

門在紫宸殿之北正觀十六年九月九日又賜五品以上射

萬曆十六年

益生表召遂



於元武門十八年二月十七日辛酉召三品已上賜宴  
 於元武門賜飛白書顯慶元年正月御元武門餞葱  
 山摠管權知節神龍三年八月二十一日改元武門  
 為神武制勝樓正元五年正月十九日班宏修元武  
 樓八年新作元武門 實錄高祖武德元年十一月  
 甲子宴旋師及骨咄祿於元武門四年四月壬寅宴  
 北討將士八年三月丁酉宴羣臣太宗正觀十一年  
 正月戊申宴長安父老十四年正月己酉宴羣臣及  
 吐谷渾王十八年正月丙戌宴蕃使二月辛酉宴三  
 品已上高宗永徽五年四月癸巳宴羣官並於元武

門 通鑑正觀七年正月癸巳宴三品以上及州牧  
 蠻夷於元武門奏七德九功舞太宗作詩見御製蠻夷十餘  
 種自請率舞 蘇世長傳高祖授玉山屯監引見元  
 武門 兵志正觀十二年始置左右屯營於元武門  
 領以諸衛將軍 中宗紀景龍三年二月己丑幸元  
 武門

唐旌門

蘇世長傳從獵涇陽大獲帝入旌門詫左右曰今日  
 樂乎 儀衛志天和初有司奏命將征討有大功獻  
 俘馘樂作至御樓前陳兵仗于旌門外二十步樂工

少行兵部尚書介冑執鉞于旌門中路前導協律郎執麾門外分導奏樂畢太常卿退樂工立于旌門外引俘馘入獻及稱賀俘囚出乃退

唐京城皇城門

見城類

百官志門下省城門郎四人掌京城皇城

宮殿諸門開闔之節武德五年置門僕八百人番上

送管鑰

六典城門郎掌京城皇城宮殿諸門開闔

之節奉其管鑰而出納之

明德等門為京城門朱雀

為官城門嘉德等門為宮門太極等

開則先外而後

內闔則先內而後外所以重申禁尊皇居也候其晨

昏擊鼓之節而啓閉之凡皇城宮城闔門之鑰先西而出後戌而入開門之鑰後丑而出夜盡而入京城闔門之鑰後申而入開門之鑰後子而出先卯而入若非其時而命啓閉則詣閣覆奏奉旨合符而開闔之 會要至德三年正月二十七日改安止門曰先天門及坊門有安字者悉改俄復舊

唐立德門

會要正觀三年三月三日賜羣臣大射於立德門

唐弘教門

崇明門

又見元會及儲宮類

金夜照

會要正觀十七年十一月二十八日皇孫生宴宮寮

於弘教門東宮 六典云在紫宸殿左長慶二年十

二月冊皇太子御紫宸殿故事御是日備宮縣於殿

廷列內仗於兩閣門內羣臣辨色序立於宣政門外

俄就外廊食訖始入自月華門列位於正衙辰後一

刻方入閣太子步自崇明門以宮寮翼從進至龍墀

東面再拜受冊乃歸崇明門幕殿羣臣退詣崇明門

謁太子大和八年十月十七日皇太子與太師相見

前一日開崇明門舊史大和八年十月皇太子開成三

年四月勅師保賓客詹事每朔望詣崇明門莊恪太

成三年詔宮臣詣太宗紀正觀二十三年三月丁

卯命皇太子聽政于金液門禮志皇太子加元服

設賓次於重明門外

武德九年六月改東宮弘禮嘉德門為重光宣明門

唐司門式門籍 見符節類

百官志司門郎中掌門關出入之籍顏真卿傳大

宗勤勞庶政其司門式曰無門籍者有急奏令監司

與仗家引對不得關礙防壅蔽也置立仗馬二須乘

者聽此其平治天下也會要景雲二年六月敕南

衙北門及諸門進狀及降墨敕皆畫題時刻夜題更

高曆十六年

監生朱用賓

唐黃武門

段志元傳與宇文士及勒兵衛章武門太宗夜遣使至二將軍所士及披戶納使志元拒曰軍門夜不開使者示手詔曰夜不能辨比明太宗歎曰真將軍周亞夫何以加 呂溫贊風謐霜凝嚴扃達晨天子之使駐車軍門

唐北門

兵志正觀初擇善射者百人為二番於北門長上官志乾封以後始號北門學士 元萬頃傳武后諷

帝召諸儒論議禁中朝廷疑議表疏皆密使參處以分宰相權故時謂北門學士 張昌齡傳奏象北門脩撰 巨彥範傳時中宗每北門起居因得謁陳秘計

唐北闕

實錄正觀二十年十月司空元齡及將作大匠立德大營北闕制顯道門觀並成

唐承天門

實錄太宗正觀十七年四月丙戌立太子御承天門大赦睿宗景雲元年七月己巳御承天門皇太子詣

朝堂受冊二年十一月戊子御承天門宴突厥元宗  
 開元元年九月庚辰一云巳卯宴王公百僚于承天門二  
 年六月丙寅吐蕃獻盟書御承天門樓引見六年十  
 一月丙申謁太廟廻御承天門賜文武官有差武宗  
 會昌五年正月辛亥郊御承天門大赦 **睿宗紀**安  
 國相王即位于承天門景雲元年六月甲辰 **六典**承天門蓋  
 古之外朝元正冬至燕會受朝則御以聽政見官類  
**儀衛志**承天門內則左右衛挾門隊列東西廊下  
 門外則左右驍衛挾門隊列東西廊下天子升路黃  
 門侍郎前奏請發鑾駕動警蹕鼓傳音駕出承天門

門闕

李朝隱傳遷長安令官官干請曳去之睿宗後御  
 承天門對百官及朝集使褒諭其能 **王琚傳**從帝  
 至承天樓下誅蕭岑

唐安福門

實錄高宗永徽三年二月甲寅上御安福門樓觀百  
 戲乙卯謂侍臣曰昨登樓欲觀人情及風俗奢儉非  
 為聲樂已焚鞠杜胡人窺望之情睿宗太極元年正  
 月辛未朔御安福門宴突厥延和元年即太極元年七月  
 庚申御安福門宴羣公卿士設太常九部樂元宗先  
 天元年即延和元年九月乙亥上皇御安福門賜羣公卿

士射 睿宗紀先天元年正月辛卯幸安福門觀 醜

七月己卯幸安福門觀樂 二年正月望夜燃燈帝

會要先天元年九月九日御安福門賜公卿射二年

三月三日太上皇御安福門觀百寮射至八日乃止

列傳郭子儀自涇陽入朝御安福門待之樓上朝

見及薨御安福門哭之 見舊史 武元衡為西川節度

使憲宗御安福門慰遣之 杜元穎為西川節度使

長慶三年十月帝御安福門臨餞安福門在皇城西門之北

唐京師九門觀 又見城類

高宗紀永徽五年十月癸卯築京師羅郭起觀于九

門闕

門 會要永徽五年十一月十一日用雍州夫四萬

一千人脩京師羅城郭三十日畢九門各施觀明德

觀五門工部尚書閻立德為使開元十八年四月一

日築京城九十日畢 六典工部郎中京城左河華

右隴坻前終南後九變南面三門中曰明德左曰啓

夏右曰安化 至德三年正月改安化為達禮 東面三門中曰春明北

曰通化南曰延興西面三門中曰金光北曰開遠南

曰延平 北面無門

唐肅章門

蕭德言傳以經授太子高宗立乘輿至肅章門 太極殿右

萬曆十六年 監生董七



引見禮遇隆重由是晉府及東宮舊臣子孫並增秩賜金。通典冊內命婦三品以上設冊按便次於肅章門外。

### 唐光順門

實錄兼本紀高宗龍朔三年十月辛巳詔皇太子五日

一至光順門在紫宸殿右監諸司奏事小事決之紀肅宗

乾元三年正月丙寅外命婦朝皇后於光順門內殿

代宗永泰元年九月庚寅觀浮屠象于光順門紀穆

宗元和十五年七月乙巳詔今月六日是朕載誕之

辰奉迎皇太后於宮中上壽其日百寮命婦宜於光

順門進名參賀朕於光順門內殿與百寮相見永為

常式舊紀敬宗長慶四年二月乙巳上率羣臣詣光順

門冊皇太后舊紀文宗大和元年十一月甲申日南至

宰臣率百寮詣光順門朝賀皇太后二年正月戊申

朔百僚赴光順門起居七年正月巳丑朔合元朝畢

百僚赴光順門賀皇太后代宗女傳嘉豐公主與

普寧公主同降有司具冊禮光順門韋綬傳穆宗

時綬建白帝誕日先詣光順門賀皇太后然後上皇

帝壽藝文志大明宮光順門外東都明福門外皆

創集賢書院百官志開元十一年光順門外置麗正書院十二年東都明福門外亦置

韓愈論舉選詣光順門奏狀

唐章善明福門 明德門

會要文明元年九月五日令五品以上清官日於章善明福門待制證聖元年以真半千王劇為弘文館學士與著作路敬淳分日於明德門待制

唐定鼎門

會要長壽元年九月神都改造文昌臺及定鼎上東等城門修築外郭並鳳閣侍郎李昭德所制

李昭德武后營神都規創文昌臺及定鼎上東諸門標置華壯 張柬之還襄州中宗賦詩祖道詔羣臣

餞定鼎門外 武攸緒神龍元年歸嵩山令京官五

品已上餞于定鼎門外 蕭嵩開元十四年以

兵部尚書領朔方節度使既赴軍有詔供帳餞定鼎門外元宗賦詩勞行

後漢志雒陽東城門名鼎門九鼎所從入 文選謝

元暉詩驅車鼎門外注帝王世記曰成王定鼎郊鄩其南門名定鼎門蓋九鼎所從入也

唐顯福門 洛陽

真半千傳為弘文館學士與路敬淳分日待制顯福門下

唐上東門 洛陽

傳魏元忠神龍二年為右僕射謁告上冢詔宰相諸  
司長官祖道上東門賜錦袍給騎四人侍賜銀千兩  
張嘉正為定州刺史帝賦詩詔百官祖道上東門

唐芳林門

徐齊聃傳高宗時為崇文館學士侍皇太子講修書

于芳林門

禁苑門也唐末芳林十哲自北門入

舊紀中宗令學士

自芳林門入集梨園

實錄元和二年四月甲寅御

芳林門張樂

會要元和十二年四月詔右神策軍

一千築夾城自雲韶門過芳林門西至修德里以達

門闕

于興福寺

又置新市于芳林門南

唐通化門

舊紀景龍三年八月乙未

傳云二年秋

親送朔方摠管張

仁旦於通化門外

門在京城東面之北

上製詩

傳云賦詩祖道

列傳

李義琰致仕公卿以下悉祖餞通化門外時人比漢

疏廣

哥舒曜討李希烈帝祖通化門

裴度元和

十二年宣慰淮西帝御通化門臨遣

李光顏長慶

初將伐鎮州復還鎮忠武宰相百官班餞帝御通化

門臨送

李吉甫為淮南節度帝為御通化門祖道

唐延喜門

元宗先天二年正月望上皇御延喜門觀樂門在皇城東門

之會要止元三年一云四年十月二十五日戶部侍郎

班宏奉敕脩延喜樓築夾城龍紀元年二月上御延

喜門受俘乾寧二年十一月上御延喜門受俘馘

舊紀正元四年二月築延喜門北復道屬於永春門

復修延喜門觀通鑑宣宗大中初吐蕃大亂三年

二月秦原安樂三州及石門等七關來降以太僕卿

陸耽為宣諭使詔涇原靈武鳳翔邠寧振武皆出兵

應接六月涇原節度使康季榮取原州及石門驛藏

木峽制勝大磐石峽六關秋七月丁巳靈武節度使

朱叔明取長樂州甲子邠寧節度使張君緒取蕭關

鳳翔節度使李玘取秦州八月乙酉改長樂州為威

州河隴老幼一本作高年又作耆老千餘人詣闕下巴丑上御

延喜門樓見之歡呼舞躍解胡服襲冠帶觀者皆呼

萬歲十月西川節度使杜棕奏取維州紀云吐蕃以

司十二月山南西道節度使鄭涯奏取扶州紀云吐

州歸于五年春二月壬戌沙州刺史一本云張義潮

來降以為沙州防禦使十月定瓜伊西甘肅蘭鄯河

岷郭十州遣其兄義澤奉十一州圖籍入見於是河

湟盡入于唐紀云十月義朝以瓜沙伊肅鄯甘十一

高曆十六年  
監生董作策

月置歸義軍以義潮為節度使十一州觀察使咸通七年二月義潮奏克西州北庭輪臺清鎮等城十月

生擒論莽執吐蕃傳僕固俊斬恐熱吐蕃自是衰絕公主傳

岐陽公主下嫁帝御延喜門止主車儀衛志皇太子

子鹵簿太傅乘車訓導少傅乘車訓從出延喜門

### 唐朱雀門

隋文立制士庶不得雜居朱雀門皇城之內故

宗廟官寺兵衛悉在焉直街自南亘北南為朱雀

街

### 唐東都城門

六典東都城南面三門中曰定鼎左曰長夏右曰厚

載東面三門中曰建春南曰永通北曰上東北面二

門東曰安喜西曰徽安皇城在西北隅南面三門中

曰端門左曰左掖門右曰右掖門東面一門曰賓耀

西面二門南曰麗景北曰宣耀東城在皇城之東東

宣仁南承福皇宮南三門曰應天興教光政其內曰

乾元門上陽宮東面二門南曰提象門即正北曰星

躔門會要顯慶五年九月改東明門為賓耀西明

門為宣耀舊紀天寶二年十二月己亥東京應天

門改為乾元

唐閭闔闕

兩京記東都城有閭闔闕在映日堂東隔城之上闕北及南皆有觀象臺女史仰觀之所晉官閣名曰洛陽城閭闔門

唐順天門 太極門

禮志皇太子加元服設文武官門外位於順天門即承

天外道東西賓贊入立於太極門外道東西面元正

戶部以諸州貢物陳於太極門東

唐通乾觀象門 宣政門又見閣門

儀衛志百官序班于通乾觀象門含元殿東西南入宣政

門文班自東武班自西入至閣門亦如之皇帝步入

門闕

東序門放仗 李華含元殿賦義和弭節於通乾望

舒停景於觀象 會要穆宗元和十五年七月修日

華門通乾門及朝堂廊舍

唐歸仁納義門

禮志元正冬至受朝賀太府帥其屬受諸州及諸蕃貢物出歸仁納義門執物者隨之

唐和門

禮志仲冬之月講武於都外建旗為和門如方色都墀之中及四角皆建五采牙旗

唐開遠門 候

吐蕃傳初太宗平薛仁果得隴上地虜李軌得涼州破吐渾高昌開四鎮元宗繼收黃河磧石宛秀等軍中國無斥候警者幾四十年輪臺伊吾屯田禾菽彌望開遠門揭候題曰西極道九千九百里示戍人無萬里行也六典京城西面北門曰開遠注開遠門外立候云去安西九千九百里元稹樂府會要天寶九載安西節度使高仙芝奏石國王蕃禮有虧請討之其王約降仙芝使部送至開遠門為俘獻于闕下斬之又見兵捷類正元中盟平涼邠寧節度韓游瓌遣使叩開遠門奏舊紀天寶八載五月辛巳於開遠門外作振旅亭以待兵廻廣德二年十一

月丁未郭子儀自涇陽入覲詔百寮迎於開遠門大曆八年八月辛未幽州防秋兵五千騎至由皇城南面出開遠門赴涇州行營有司大置酒開遠門宴遣之

唐提象門

吐蕃傳開元中上寶器詔置提象門東都上陽宮南示羣臣

盧懷謹傳應天去提象纜二里所

唐春明門 建福門

實錄開元十七年五月丁卯侍臣以下燕于春明門外寧王憲之園池帝御花萼樓邀其廻騎更令坐飲

萬曆十六年

三

一

監生 董徐宗

通舞班賜有差 嚴郢傳長安人遮建福門訟郢冤

會要故事建福望仙等門昏而閉五更而啓建福門在

大明宮丹鳳門外至德中勅晚開元和二年六月令有司各

據班品置待漏院於建福門外

唐應天門

舊紀開元二十年五月戊辰信安王禕獻奚契丹之

俘上御應天門受之洛陽宮南門也二十三年正月戊寅

田畢大置酒於應天門以會羣官天寶二年十二月

乙亥應天門改為乾元門

唐宣政門

又見上

宣耀門

文粹孫樵讀開元雜報云某日宣政門宰相與百寮

廷諍十刻罷 儀衛志宣政左右門仗分三番而立

號曰交番仗 文苑有駕幸宣耀門觀試舉人賦

唐金光門

事見上

韓朝宗傳天寶初為京兆尹分渭水入金光門

弘基傳次長安故城振隊金光門 李石傳中人自

邊還走馬入金光門

唐丹鳳門

事見太清宮

紀元宗天寶元年正月甲寅陳王府參軍田同秀言

混元皇帝降于丹鳳門通衢也 丹鳳門大明宮正南門



十七日改為明鳳門尋復舊 李華賦丹 穆宗元和

十五年閏正月即位二月丁丑幸丹鳳門觀俳優

順宗實錄正元二十一年二月甲子御丹鳳門大赦

舊紀憲宗元和二年正月辛卯郊御丹鳳門大赦

韓愈聖德詩序外斬楊惠紕劉闢以收夏蜀東定

青徐積年之叛詩云幸丹鳳門大赦天下

### 唐鳳凰門

長安志太極宮東面一門曰鳳凰門隋曰建春門後

改通訓天寶中帝再幸左藏庫班賚百官出納判官

魏仲犀言鳳皇集通訓門門直庫西有詔改為鳳凰

門進仲犀殿中侍御史

### 唐集賢門

見院類

百官志永泰時勳臣罷節制皆待制于集

賢門

### 唐光範門

舊紀廣德二年十二月戊辰郭子儀於都省領副元

帥事宰臣百寮送仍令射生五百騎戎服自光範門

送至省門 含元殿賦 光範之揭揭

通典公主受冊設冊案便次於光範門及長樂門外

韓愈上宰相書伏光範門外

唐月華門

兩京記德宗復置廢馬隨仗於月華門外會要元毀  
賦其西延載筆之良史俯月華之峻扉會要天寶  
十年六月二十七日敕白獸日華觀武等門令宮苑  
通管

唐左右銀臺門

會要正元十二年四月左右十軍使奏鑿為去冬幸  
諸營於銀臺門外立碑紀聖迹碑立子真門大和九  
年九月幸右銀臺門觀門樓興工大中二年正月修  
右銀臺門樓一錢徽傳憲宗戒有貢獻毋入右銀臺

門以迎學士

唐延英門

陽以謀議大夫率拾遺王仲舒等數人  
中延英門上疏延齡張萬福聞諫官伏閣諫  
往延英門大言智曰朝廷有直臣天下必太平矣  
會要大和七年十月中書奏以十月十日為慶成  
節是日羣臣詣延英門奉觴上千萬壽觀  
錫傳道士延英門以笏叩額

唐紫宸門

順宗正元二十一年即位二月癸卯朝羣臣于紫

宸門御殿舊紀敬宗長慶四年二月辛巳朔上見

羣臣於紫宸門外一本云受羣臣謁西之外觀

唐興安門

實錄元和六年七月戊申御興安門大觀樂十二

年十月平西蜀詳見兵捷劉闢以獻上會要元和元

十月平浙西擒李錡至闕下上御興安門觀之二年

狀十二年十一月平淮西擒吳元濟以獻上御興安

門大陳甲士旌旗十四年二月斬李師道上御興安

門受俘太和三年五月斬李同捷丁亥御興安門受

俘會昌四年八月平澤潞梟劉稹首京師十八日

御興安門受獻

程宗楚入自延秋門晚

建隆明德門

建隆四年御五月乙丑修大內丁丑明德門成

宣德門先是同州節度張美進材木及成命李

士陶設為之記十一月甲子御門大赦改元醜曆

改成德安晉

太平興國丹鳳門

祥符正陽門

景祐

宣德門

明德門興國三年七月庚戌改丹鳳九年七月壬子  
 改乾元祥符八年六月甲子改正陽景祐元年正月  
 十一云興道二年改宣德政和八年十月六日改為太  
 極之樓重和元年正月復舊名 胡昭正陽門賦冠  
 廣內以處標止陽而定名寶篆鸞飛紫簷虬盤  
 譙橫亘澄道階升璿煌特闡 汴都賦南有宣德北  
 有拱宸延亘五里百司雲屯兩觀門峙而竦立果  
 遷望而相吞

大平興國東京城門

乾德大內諸門

祥符拱宸門紐鉞

東京舊城南門曰朱雀崇明東門曰麗景望春西門

曰宜秋閭闔北門曰景龍安遠天波皆太平興國四年

祥符五年作保康門于朱雀門東凡十門新城南門

曰南薰普濟宣化廣利安上東門曰上善通津朝陽

寅賓後復各含輝西門曰順天大通開遠金耀咸豐北門

曰通天景陽永泰安肅皆興國四年九月戊子賜名

子詔改京城內外門名二十有五外城十七門內城八門無開遠朱雀若東之善利則

改於天聖初西之宣澤則朔於熙寧十年之九月乙

丑北之永順則朔於熙寧十年之十月凡二十一門

大內南三門宣德改於景祐元年正月左右掖賜名

於乾德六年正月戊申東西曰東華西華則改於開寶四年舊名寬北曰拱宸則改於祥符五年十一月

梁曰厚載宣德門外正南門曰大慶則隨殿名而易後名元武

東西橫門曰左右昇龍則乾德六年正月賜名東西

兩廊門乾德四年八月改爲日華月華舊名金祥符

八年六月甲子改爲左右太和右昇龍西北曰端禮

門則賜名於熙寧十年八月三門各列文德殿兩

廊門曰左右嘉福則更名於明道元年十月甲辰舊

政又有東西上閣門內正南門曰左右長慶北曰左

右嘉肅熙寧十年八月改次北門曰左右銀臺大慶殿後

北門曰天光祥符八年六月甲子改大寧明道元年

十月改宣祐祥符七年名福寧殿東西門曰左右

昭慶真游殿西門曰延真若安樂景輝賜名於天禧

五年三月含和賜名於熙寧十年八月東華門外

次西左承天祥符門乾德六年正月名左承天祥符

名增葺十二月庚子命學士李宗諤門始標額於熙

寧十年西華門內次西右承天門賜名於乾德六年

正月次北引見門而通極臨華二門賜名於熙寧十

年八月次北內東門而進食門曰會通則元豐三年

五月十三日所名也

開寶元年即乾德六年正月乙巳大內營繕畢戊申賜諸門名上坐寢殿令洞開諸門曰此如我心少有邪曲人皆見之 太祖修大內命諸門皆對啓

雍熙東郊殿門

見前

景德太極門

西京 景德四年二月二十一日戊子詔曰緬惟烈

祖嘗幸舊都其明堂殿即太極殿也前三門改為太極門

隋三太極唐曰通天乾元一云太平興國三年改太極門諸殿名令崇文院詳定

祥符中又改元武門為拱宸

西京宮城周九里三百步南三門中曰五鳳樓東曰

興教西曰光政東一門曰蒼龍西一門曰金虎北一

門曰拱宸京城周五十二里九十六步南三門中曰

定鼎東曰長夏西曰厚載東三門曰羅門建春上東

西一門曰關門北二門曰安喜徽安坊百二十宮城

東西有夾城各三里東二門曰賓耀啓明西二門曰

金耀乾通皇城周十八里二百五十八步南三門曰

端門左右掖東一門曰宣仁西三門曰麗景開化應

福

祥符保康門

祥符五年七月戊辰一作新作保康門京城南門于朱雀門之東詔曰重城陽位通門肇開時將建觀以奉五嶽故闢此門 嘉應昭福門見金台靈觀

祥符重熙頒慶門

祥符七年建南京宮城周二里三百十六步門曰重熙頒慶殿曰歸德京城周五里四十步東二門曰延和昭仁西二門曰順成回鑾南一門曰崇禮北一門曰靜安中有隔城有門二曰承慶祥輝坊十八東有闕城周二十五里八十三步東南北各有門一

天禧景暉門

門

在右銀臺門之北天禧五年三月戊戌奉安門額

明道迎陽門

在延和殿西北祥符七年建名宣和明道元年十月改開曜十一月改迎陽俗號苑東門召近臣入苑由此門

門內後苑苑有太清樓慶曆四年二月丙辰御迎陽門召輔臣觀圖畫八年三月癸亥御迎陽門召知制誥以下至臺諫問得失

明道藉田諸門

見藉田類

慶曆順豫門

萬曆丁亥年

監生黃金屋刊

慶曆二年建北京宮城周三里一百九十八步即真宗駐蹕行宮南三門中曰順豫東曰省風西曰展義東一門曰東安西一門曰西安順豫門內東西各一門曰左右保成次北班瑞殿殿前東西門二曰凝祥麗澤次時巡靖方慶寧殿時巡殿前東西門二曰景清景和京城周四十八里二百六步門十七坊二十

宋朝朱雀門

李誠纂重脩朱雀門記以小篆書有旨勒石朱雀門下皇祐二年明堂行禮前一日移仗南陳自宣德

門闕

門至朱雀門內填街宿設

紹興宮殿諸門號

皇城司掌之建炎四年改造紹興二年正月更定其制入禁衛黃綾八角殿門黃絹方宮門黃絹圓皇城門黃絹長三年十一月更宮門號以緋紅絹方皇城門以緋紅絹圓臨安府城十八門紹興二年九月癸未新作行宮南門成十八年三月壬申時四名內門南曰麗正北曰和寧

歷代闕名

後漢



蒼龍 元武 朱雀 建章

六朝

蒼龍石闕

丹臺新錄所載

龜 高 清 紫

歷代門名

周

乾祭 王城北門

前漢

閶闔 金馬

萬秋 宣德 禮城

關

青綺 章義 仁壽 壽成 章成 真成

後漢

上東 開陽 廣陽城 上西 崇賢 金商

宜秋 神龍 九龍 宣平 平城 鴻都

廣義 司馬 濯龍 飛兔 含章 敬云

廣德 明禮 望鍾 神仙 含德 建禮

却非 會福 萬春 千秋 神獸 銅臺

全馬 小苑 止車 南端 白虎 蒼龍

春興 長秋 青瑣 金音 雲龍 泰夏

閶闔 西華 東華 丙福 丙舍 永巷

金牙 不老 章臺 定鼎

前魏

延秋 長春 宣明 顯陽 順德 崇德

承明 金明 止車 閭闔 神龍 朱華

建春

西晉

清明 平昌 津陽 西明 閭闔 大夏

廣莫城雲龍 開陽 東陽 建春 宣陽

長春 朱明 青陽 承明 崇禮

後周

建春 東陽 清陽 開陽 西明 西陽

閭闔 承明 大夏 廣莫城朱明代思賢代

平昌 宣陽 朱華 乾明 千秋 長夏

光極 仁壽 啓夏 望春 上秋 招德

厚載 納義 止車 雲龍 神虎

隋

肅章 青城

建國 上春 上東 建陽 永通 長夏

定鼎 厚載 徽安 嘉寧城 東西太陽

左右掖 左右延福 則天 順天 永泰

建明 宣仁 東明 西明 端 寶成

由儀 咸安 興泰 麗景 永康 光政

凌度 閻闔 元武 東華 西華 蒼龍

金虎 乾陽 會昌 章善 景運 顯福

光福 乾元 欽明 崇華 義和 大業

永巷 永安 莊敬 宣和 昇德 榮光

淥波 交泰 隆業 觀文 正義 麗日

宣道 至靜 嘉蘭 通善 龍光 明華

雕綺 嘉猷 芳輝 花光 含光 溫玉

繁露 花梁 儀鸞 芳音 重璧 光華

懷芳 璧月 文綺 輝景 山齊 臨華

和義 太和 重光 安寧 承福 嘉豫

上陽 望春 遊義 禦寒 進食 進馬

和春 春華 懷風 景陽 白虎 圓璧

耀儀 明福 修文 方諸 成象 廣陽

金光 顯陽 含嘉 興教

唐

順天 承天 則天 昭陽 雲霞 應天

金華 神龍 光順 元英 南風 嘉禮

永光	弘禮	嘉福	重光	宣明	弘教
崇教	元化	興安	雲韶	芳林	日章
通軌	望仙	延喜	宣仁	重明	興教
長崇	光政	光範	乾化	宣政	敷政
延福	日華	萬壽	興善	含章	膺福
金清	延義	金鑾	千秋	延和	章善
安上	開遠	延興	金明	春明	明德
落夏	安化	通化	金光	延平	朱雀
光化	定鼎	長夏	厚載	建春	永通
安喜	徽安	廣運	永春	永安	嘉德

恭禮	安仁	歸仁	納義	太極	元武
安禮	元德	通明	嘉猷	延明	永福
嘉善	丹鳳	奉化	延政	建安	興福
觀象	崇明	含曜	昭訓	紫宸	昭慶
太和	嘉豫	安寧	萬春	會昌	景運
提象	星躔	觀風	垂豫	上陽	望春
延秋	靈光	遊義	籠煙	靈溪	朝陽
靈圃	望冬	賓曜	宣曜	麗景	承福
含嘉	宿章	安福	景福	乾元	

五代

萬曆十六年

卷五十五 里陳策

萬歲	萬春	千秋	迎春	麗景	清景
景風	薰風	元化	玄化	建國	啓運
中興	昇龍	賓天	應天	天福	膺福
崇明	乾明	宣明	昭明	金烏	玉兔
金鳳	鳳明	朱鳳	神獸	崇禮	興禮
德陽	明德	顯德	寬仁	宣仁	興仁
仁和	厚載	元德	廣運	廣政	通政
章善	興善	興教	應順	崇元	韶和
延清	通遠	永耀	永芳	太平	靜安
宣陽	金明	金義	廣義		

三十六國

西明	大夏	宣陽	上東	廣陽	平昌
西陽	建春	鳳陽	金明	朝陽	平朔
光範	廣夏	青角	萬春	朝宗	弘光
南景	朱明	青陽	涼風	中陽	

六朝

南陽	宣陽	朱雀	開陽	津陽	清明
延喜	東陽	建春	建陽	廣莫	北捷
元武	宣平	大夏	南陽	閭闔	東華
萬春	承明	平昌	千秋	西華	雲龍

鳳裝 鸞飾 神武 太陽 中華 延明  
承華 崇賢 青陽 昇賢 公車 蒼龍  
大通 大航 陵陽 年華 安陽 則天  
衆妙 西明 止車 溫德 敬親 臨劄

共齊  
鳳陽 雲龍 五龍 朱華 進賢 朱明  
啓夏 長夏 仁壽 望春 昭德 上秋  
夏章 納義

春秋時列國

渠 純 時 將 閔 皇  
鄆 墓 師之梁 棊扶鄭 圃周  
雩 雉 稷 萊 鹿 子駒  
爭 吏魯 耐 桐 盧 曹  
蒙 澤 揚 桑林 埵澤沫  
范邾 闕 蓋獲衛 雍 揚 鹿  
穆 胥吳 脩楚 夷梁

重門備豫始自黃序四門咸闢見于姚虞 乾坤思  
闕闕之象重坎垂設險之文良為門闕節謹戶庭

立德元金... 五海卷第一百七十... 六十九... 屬

重門取諸豫 說卦艮為門闕 備豫之意蓋本於  
易 金樞玉鍵 君門九重玉宮五雉

五海卷第一百七十

